



თელავის მუნიციპალიტეტის 2022 წლის პროგრამები

(2022 წლის 1 ივნისის მდგომარეობით)

წინამდებარე გზამკვლევაში ასახულია მუნიციპალური პროგრამები, რომელთა შესახებ ინფორმაცია მნიშვნელოვანია როგორც მუნიციპალიტეტის მაცხოვრებლებისთვის, ისე სამშობლოში დაბრუნებული მიგრანტებისა და ქართული დიასპორის წარმომადგენლებისთვის

პროგრამების სარჩევი

1. საცხოვრებლით უზრუნველყოფის პროგრამები	3
1.1. დროებითი საცხოვრებლის ქირის თანხით დაფინანსება	3
2. ჯანმრთელობის დაცვის პროგრამები	4
2.1. სამედიცინო მომსახურების დაფინანსება	4
2.2. ონკოლოგიურ პაციენტთა სამედიცინო მომსახურების, მედიკამენტებისა და სამედიცინო დანიშნულების დამხმარე საშუალებების დაფინანსება	5
2.3. დიალიზის სახელმწიფო პროგრამაში ჩართული პირების დაფინანსება	6
2.4. სამედიცინო დანიშნულების დამხმარე საშუალებების ან/და მედიკამენტების დაფინანსება	6
2.5. სახელმწიფო მზრუნველობის ქვეშ მყოფი (მცირე საოჯახო ტიპის სახლებში მცხოვრები) ბავშვების სტომატოლოგიური მომსახურების დაფინანსება	7
2.6. მუსიკათერაპიის სარეაბილიტაციო კურსის დაფინანსება	8
2.7. კოხრეალური იმპლანტის მომხმარებელთა თანადაფინანსება	9
3. სოციალური დაცვის პროგრამები	9
3.1. საქართველოს ტერიტორიული მთლიანობისათვის მეზობლ შუამ პირთა 18 წლამდე შვილების დახმარების ქვეპროგრამა	9
3.2. ელექტროენერჯის გადასახადის თანადაფინანსების ქვეპროგრამა	10
3.3. გაზიფიცირების გარეშე არსებულ დასახლებებში (თეთრიწყლების ადმინისტრაციული ერთეული სრულად და სოფელი ლეჩური) მუდმივად მცხოვრები ოჯახების თხევადი აირით დახმარება	10
3.4. ზამთრის სეზონზე ოჯახების სათბობით უზრუნველსაყოფად დაფინანსება	11
3.5. სარიტუალო მომსახურების დაფინანსება	11
3.6. სადღესასწაულო დღეებთან დაკავშირებული დახმარების ღონისძიებები	12
4. დემოგრაფიული პროგრამები	13
4.1. ახალშობილ ბავშვთა ოჯახების ერთჯერადი დახმარება	13
4.2. მრავალშვილიანი ოჯახების დახმარება	13
4.3. 0-1 წლამდე ასაკის ბავშვთა ხელოვნური კვების პროდუქტებით დაფინანსება	14
5. თელავის მუნიციპალიტეტის მერიის საკონტაქტო ინფორმაცია	15

1. საცხოვრებელი უზრუნველყოფის პროგრამები

1.1. დროებითი საცხოვრებლის ქირის თანხით დაფინანსება

ქვეპროგრამა ითვალისწინებს თელავის მუნიციპალიტეტის ტერიტორიაზე რეგისტრირებული ოჯახებისთვის, რომლებსაც აქვთ უვარგისი საცხოვრებელი, სადაც ცხოვრება შეუძლებელია და საფრთხეს უქმნის მოქალაქეების სიცოცხლეს, მათ ჯანმრთელობას, ან საერთოდ არ გააჩნიათ საცხოვრებელი, მათი უსაფრთხოების მიზნით დროებით საცხოვრებლის ქირით უზრუნველყოფას.

ქვეპროგრამით მოსარგებლე სამიზნე ჯგუფებია:

- ა) თელავის მუნიციპალიტეტის ტერიტორიაზე რეგისტრირებული სოციალურად დაუცველი ოჯახები, ძალადობის მსხვერპლი პირები, მარტოხელა მშობლები, მრავალშვილიანი ოჯახები, შშმ პირთა ოჯახები, პირები, რომლებიც გასული არიან სახელმწიფოს ზრუნვიდან ბოლო 1 წლის განმავლობაში;
- ბ) რეგისტრაციის არმქონე პირები, რომლებიც სოციალურად დაუცველი ოჯახების მონაცემთა ერთიან ბაზაში ირიცხებიან თელავის მუნიციპალიტეტის ტერიტორიაზე;
- გ) სხვა მუნიციპალიტეტში რეგისტრირებული პირები, რომლებიც ბოლო 5 წლის მანძილზე ფაქტობრივად ცხოვრობენ თელავის მუნიციპალიტეტში.

დახმარების ოდენობა:

- ქირის საფასურის გადახდა თვეში 100 ლარის ფარგლებში.

წარსადგენი დოკუმენტები:

- ა) განცხადება;
- ბ) პირადობის მოწმობის ასლი;
- გ) ამონაწერი სოციალური მომსახურების სააგენტოდან ქულების შესახებ;
- დ) მერის წარმომადგენლის შუამდგომლობა ოჯახის ეკონომიური მდგომარეობის შესახებ;
- ე) სხვა მუნიციპალიტეტში რეგისტრირებული პირების შემთხვევაში ასევე წარმოსადგენია მერის წარმომადგენლის მიერ გაცემული ცნობა ფაქტობრივი საცხოვრებელი ადგილის შესახებ და 2 მოწმის (მეზობელი) ჩვენება, რომლითაც დადასტურდება ბენეფიციარის ბოლო 5 წლის მანძილზე თელავის მუნიციპალიტეტის ტერიტორიაზე ცხოვრების ფაქტი.
- ზ) საბანკო ანგარიშის ნომერი.

2. ჯანმრთელობის დაცვის პროგრამები

2.1. სამედიცინო მომსახურების დაფინანსება

ქვეპროგრამით სარგებლობა მოიცავს სტაციონალური, ამბულატორიული და სარეაბილიტაციო მომსახურების დაფინანსებას, გარდა სტომატოლოგიური მომსახურებისა.

ქვეპროგრამით მოსარგებლე სამიზნე ჯგუფია:

- სოციალურად დაუცველი ოჯახების მონაცემთა ერთიან ბაზაში რეგისტრირებული პირები, რომელთა ფაქტიური საცხოვრებელი ადგილია თელავის მუნიციპალიტეტი და მათი მოქმედი სარეიტინგო ქულა არ აღემატება 150 000ს;
- თელავის მუნიციპალიტეტის ტერიტორიაზე რეგისტრირებული მარტოხელა მშობლები;
- 18 წლამდე ასაკის ბავშვები; მარჩენალდაკარგულილები;
- მკვეთრად გამოხატული შეზღუდული შესაძლებლობის მქონე პირები;
- იძულებით გადაადგილებული პირები;
- 1989 წლის 9 აპრილს საქართველოს დამოუკიდებლობის მოთხოვნით გამართული მშვიდობიანი აქციის შედეგად დაზარალებულები.

დაფინანსების ოდენობა:

- ა) პაციენტის მხრიდან გადასახდელი თანხის 80 %-ით, მაგრამ არაუმეტეს 1000 ლარის ოდენობით;
- ბ) მაგნიტურ-რეზონანსური და კომპიუტერული ტომოგრაფიის შემთხვევაში, დაფინანსება მოხდება 300 ლარის ფარგლებში 100%-ით;
- გ) თუ პაციენტის გადასახდელი თანხა აღემატება 4000 ლარს, დაფინანსება მოხდება 1500 ლარის ოდენობით;
- დ) ქვეპროგრამის მოქმედება აგრეთვე გავრცელდეს იმ ბენეფიციარებზე, რომლებიც არ განეკუთვნება ქვეპროგრამით გათვალისწინებულ არც ერთ სამიზნე ჯგუფს, მაგრამ განიცდიან ეკონომიურ გაჭირვებას, საჭიროებენ დახმარებას და პაციენტის გადასახდელი თანხა აღემატება 1500 ლარს. ასეთი კატეგორიის ბენეფიციარებზე სამედიცინო მომსახურების დაფინანსების თაობაზე გადაწყვეტილებას იღებს თელავის მუნიციპალიტეტის მერის ბრძანებით შექმნილი კომისია. დაფინანსება განხორციელდეს პაციენტის მიერ გადასახდელი თანხის 80 %-ის ფარგლებში, მაგრამ არაუმეტეს 1500ლარის ოდენობით;

ქვეპროგრამით სარგებლობა შესაძლებელია წლის განმავლობაში ერთჯერადად.

წარსადგენი დოკუმენტაცია:

- ა) ბენეფიციარის ან მისი წამომადგენლის განცხადება;
- ბ) პირადობის დამადასტურებელი დოკუმენტი;
- გ) სტატუსის დამადასტურებელი დოკუმენტი;

- დ) ცნობა ჯანმრთელობის მდგომარეობის შესახებ (ფორმა NIV-100/ა)
- ე) მომსახურების მიმწოდებლის მიერ გაცემული ხარჯის დამადასტურებელი დოკუმენტი
- ვ) სოციალურად დაუცველი ოჯახების ამონაწერი მოქმედი სარეიტინგო ქულების შესახებ, ან ცნობა ბაზაში რეგისტრაციის არქონის შესახებ;
- ზ) დასაფინანსებელ მომსახურებაზე სახელმწიფო პროგრამის, ან ჯერძო დაზღვევის ფარგლებში (ასეთის არსებობის შემთხვევაში) გაცემული დაფინანსების დამადასტურებელი დოკუმენტი;
- თ) საჭიროების შემთხვევაში შესაძლებელია მოთხოვნილ იქნას დამატებითი დოკუმენტაცია.

2.2. ონკოლოგიურ პაციენტთა სამედიცინო მომსახურების, მედიკამენტებისა და სამედიცინო დანიშნულების დამხმარე საშუალებების დაფინანსება

ქვეპროგრამით სარგებლობა შეუძლიათ:

- სოციალურად დაუცველი ოჯახების მონაცემთა ბაზაში რეგისტრირებულ პირებს, რომელთა ფაქტიური საცხოვრებელი ადგილია თელავის მუნიციპალიტეტი და მათი მოქმედი სარეიტინგო ქულა არ აღემატება 150 000-ს;
- თელავის მუნიციპალიტეტის ტერიტორიაზე რეგისტრირებული მარტოხელა მშობლებს;
- 18 წლამდე ასაკის ბავშვებს;
- მარჩენალდაკარგულებს;
- მკვეთრად გამოხატული შეზღუდული შესაძლებლობის სტატუსის მქონე პირებს;
- იძულებით გადაადგილებული პირებს;
- 1989 წლის 9 აპრილს საქართველოს დამოუკიდებლობის მოთხოვნით გამართული მშვიდობიანი აქციის შედეგად დაზარალებულებს.

დაფინანსების ოდენობა განისაზღვრება 300 ლარის ფარგლებში.

დაფინანსება შესაძლებელია წლის განმავლობაში ერთჯერადად.

წარსადგენი დოკუმენტაცია:

- ა) ბენეფიციარის ან მისი წარმომადგენლის განცხადება;
- ბ) პირადობის დამადასტურებელი დოკუმენტი;
- გ) სტატუსის დამადასტურებელი დოკუმენტი (საჭიროებიდან გამომდინარე) ;
- დ) ცნობა ჯანმრთელობის მდგომარეობის შესახებ (ფორმა NIV-100/ა)
- ე) მომსახურების მიმწოდებლის მიერ გაცემული ხარჯის დამადასტურებელი დოკუმენტი;
- ვ) სოციალურად დაუცველთა ოჯახების ერთიან ბაზიდან ამონაწერი მოქმედი სარეიტინგო ქულის შესახებ, ან ცნობა ბაზარში რეგისტრაციის არქონის შესახებ;
- ზ) საჭიროების შემთხვევაში შესაძლებელია მოთხოვნილი იქნას დამატებითი დოკუმენტაცია.

2.3. დიალიზის სახელმწიფო პროგრამაში ჩართული პირების დაფინანსება

დიალიზის სახელმწიფო პროგრამაში ჩართულ პირთა ყოველთვიური დახმარება გაიცემა, თელავის მუნიციპალიტეტის ტერიტორიაზე რეგისტრირებულ პირებზე.

თანხის ოდენობა განისაზღვრება დასახლებების ზონირების შესაბამისად.

წარსადგენი დოკუმენტები:

- ა) ბენეფიციარის ან მისი წარმომადგენლის განცხადება;
- ბ) პირადობის დამადასტურებელი მოწმობის ასლი;
- გ) ჯანმრთელობის მდგომარეობის შესახებ გაცემული ცნობა (ფორმა NIV-100/ა);
- დ) საბანკო ანგარიშის ნომერი;
- ე) საჭიროების შემთხვევაში შესაძლებელია მოთხოვნილ იქნას დამატებითი დოკუმენტაცია.

2.4. სამედიცინო დანიშნულების დამხმარე საშუალებების ან/და მედიკამენტების დაფინანსება

ქვეპროგრამით მოსარგებლე სამიზნე ჯგუფებია:

- სოციალურად დაუცველი ოჯახების მონაცემთა ერთიან ბაზაში რეგისტრირებული პირები, რომელთა ფაქტობრივი საცხოვრებელი ადგილია თელავის მუნიციპალიტეტი და მათი მოქმედი სარეიტინგო ქულა არ აღემატება 150 000-ს;
- თელავის მუნიციპალიტეტის ტერიტორიაზე რეგისტრირებული მარტოხელა მშობლები; 18 წლამდე ასაკის ბავშვები;
- მარჩენალდაკარგულები;
- მკვეთრად გამოხატული შეზღუდული შესაძლებლობის სტატუსის მქონე პირები; იძულებით გადაადგილებული პირები;
- 1989 წლის 9 აპრილს საქართველოს დამოუკიდებლობის მოთხოვნით გამართული მშვიდობიანი აქციის შედეგად დაზარალებულები;
- ომისა და თავდაცვის ძალების ვეტერანები.

დაფინანსების ოდენობა განისაზღვრება არა უმეტეს 300 ლარით.

ქვეპროგრამით სარგებლობა შესაძლებელია წლის განმავლობაში ერთჯერადად.

ქვეპროგრამით სარგებლობის მიზნით წარსადგენი დოკუმენტაცია:

- ა) ბენეფიციარის ან მისი წარმომადგენლის განცხადება;
- ბ) პირადობის დამადასტურებელი მოწმობის ასლი;

- გ) სტატუსის დამადასტურებელი დოკუმენტი (ქვეპროგრამის საჭიროებიდან გამომდინარე);
- დ) ცნობა ჯანმრთელობის მდგომარეობის შესახებ (ფორმა NIV-100/ა);
- ე) მომსახურების მიმწოდებლის მიერ გაცემული ხარჯის დამადასტურებელი დოკუმენტი;
- ვ) სოციალურად დაუცველთა ოჯახების ერთიანი ბაზიდან ამონაწერი მოქმედი სარეიტინგო ქულის შესახებ, ან ცნობა ბაზაში რეგისტრაციის არქონის შესახებ;
- ზ) საჭიროების შემთხვევაში შესაძლებელია მოთხოვნილ იქნეს დამატებითი დოკუმენტაცია.

2.5. სახელმწიფოს მზრუნველობის ქვეშ მყოფი (მცირე საოჯახო ტიპის სახლებში მცხოვრები) ბავშვების სტომატოლოგიური მომსახურების დაფინანსება

სამიზნე ჯგუფი:

- ქვეპროგრამა ითვალისწინებს სახელმწიფო მზრუნველობის ქვეშ მყოფი, თელავის მუნიციპალიტეტში არსებული (ქ. თელავი და სოფ. კურდღელაური) მცირე საოჯახო ტიპის სახლებში მცხოვრები 18 წლამდე ბავშვების სტომატოლოგიური მომსახურების დაფინანსებას.

დაფინანსების ოდენობა:

- წლის განმავლობაში 300 ლარის ფარგლებში.

ბენეფიციარის დაფინანსება ხდება სოციალური მუშაკის მიერ წარდგენილი მიმართვის საფუძველზე. სადაც ასახული იქნება ბენეფიციარის კონკრეტული საჭიროება, თანდართული დოკუმენტებით:

- ა) სპეციალური ფორმა, რომელიც ივსება სოციალური მუშაკის მიერ;
- ბ) დახმარების მიმღები ბენეფიციარის დაბადების ან პირადობის დამადასტურებელი მომწმობის ასლი;
- გ) სამედიცინო დოკუმენტაციის ფორმა NIV-100/ა;
- დ) მომსახურების მიმწოდებლის მიერ გაცემული ხარჯის დამადასტურებელი დოკუმენტი;
- ე) დასაფინანსებელ მომსახურებაზე სახელმწიფო პროგრამის ფარგლებში გაცემული თანადაფინანსების დამადასტურებელი დოკუმენტი (ასეთის არსებობის შემთხვევაში);
- ვ) საჭიროების შემთხვევაში შესაძლებელია მოთხოვნილი იქნას დამატებითი დოკუმენტაცია.

2.6. მუსიკათერაპიის სარეაბილიტაციო კურსის დაფინანსება

ქვეპროგრამა ითვალისწინებს წლის განმავლობაში თითოეული ბენეფიციარისთვის მუსიკათერაპიის არანაკლებ ერთი სარეაბილიტაციო კურსის დაფინანსებას და ბენეფიციარის სპეციალური სამკურნალო და შრომითი რეკომენდაციიდან გამომდინარე, წლის განმავლობაში განმეორებით მეორე კურსის დაფინანსებას.

ერთი კურსი მოიცავს 15 თერაპიულ სესიას, თითოეული სესიის ხანგრძლივობა განისაზღვრება: ჯგუფური თერაპიის შემთხვევაში 40-45 წუთით, ხოლო ინდივიდუალური თერაპიის შემთხვევაში 20-30 წუთით.

ქვეპროგრამით *მოსარგებლე სამიზნე ჯგუფებს წარმოადგენენ*:

- თელავის მუნიციპალიტეტის ტერიტორიაზე რეგისტრირებული 1-დან 18 წლამდე შეზღუდული შესაძლებლობის და სპეციალური საჭიროების მქონე ბავშვები და მოზარდები.

დაფინანსების ოდენობა:

- ინდივიდუალური თერაპიის ერთი კურსის (15 თერაპიული სესიის) დაფინანსების ოდენობა განისაზღვრება 750 ლარის ოდენობით;
- ჯგუფური თერაპიის ერთი კურსის (15 თერაპიული სესიის) დაფინანსების ოდენობა განისაზღვრება 500 ლარის ოდენობით;

ქვეპროგრამის ფარგლებში გასაცემი ადმინისტრაციული დაპირების მოქმედების ვადა განისაზღვრება მიმდინარე საბიუჯეტო წლით; ადმინისტრაციული დაპირება ბენეფიციარის მიერ მომსახურების გამწევთან წარდგენილი უნდა იქნას მომსახურების დაწყებამდე;

ქვეპროგრამით სარგებლობისათვის წარმოსადგენი დოკუმენტაცია:

- ა) ბენეფიციარის წარმომადგენლის განცხადება;
- ბ) განმცხადებლის და ბენეფიციარის პირადობის დამადასტურებელი დოკუმენტის ასლი;
- გ) ბენეფიციარის თელავის მუნიციპალიტეტის ტერიტორიაზე რეგისტრაციის ფაქტის დამადასტურებელი დოკუმენტი;
- დ) ცნობა ჯანმრთელობის მდგომარეობის შესახებ (ფორმა NIV-100/ა);
- ე) დასაფინანსებელ მომსახურებაზე სახელმწიფო პროგრამის, ან კერძო დაზღვევის ფარგლებში (ასეთის არსებობის შემთხვევაში) გაცემული დაფინანსების დამადასტურებელი დოკუმენტი;
- ვ) საჭიროების შემთხვევაში შესაძლებელია მოთხოვნილ იქნეს დამატებითი დოკუმენტაცია;
- ზ) გაწეული მომსახურების ღირებულების ანაზღაურების მიზნით წარმოსადგენი დოკუმენტაცია.

2.7. კოხრეალური იმპლანტის მომხმარებელთა თანადაფინანსება

ქვეპროგრამა ითვალისწინებს თელავის მუნიციპალიტეტის ტერიტორიაზე რეგისტრირებული 18 წლამდე ასაკის სმენადაქვეითებული/კოხრეალური იმპლანტის მომხმარებელ ბავშვთა შიდა იმპლანტზე მიმაგრებული გარე მეტყველების პროცესორის ღირებულების თანადაფინანსებას.

თანადაფინანსების ოდენობა თითოეულ ბენეფიციარზე განისაზღვრება 10,000 ლარით.

ქვეპროგრამით სარგებლობის მიზნით წარმოსადგენი დოკუმენტაცია:

- ა) ბენეფიციარის წარმომადგენლის განცხადება;
- ბ) განმცხადებლის პირადობის დამადასტურებელი მოწმობის ასლი; ა.გ) ბენეფიციარის პირადობის დამადასტურებელი დოკუმენტი ან დაბადების მოწმობის ასლი;
- დ) ბენეფიციარის სტატუსის დამადასტურებელი დოკუმენტი;
- ე) ცნობა ჯანმრთელობის მდგომარეობის შესახებ (ფორმა NIV-100/ა);
- ვ) მომსახურების მიმწოდებლის მიერ გაცემული ხარჯის დამადასტურებელი დოკუმენტი;
- ზ) დასაფინანსებელ მომსახურებაზე სახელმწიფო პროგრამის, ან კერძო დაზღვევის ფარგლებში (ასეთის არსებობის შემთხვევაში) გაცემული დაფინანსების დამადასტურებელი დოკუმენტი;
- თ) საჭიროების შემთხვევაში შესაძლებელია მოთხოვნილ იქნეს დამატებითი დოკუმენტაცია.

3. სოციალური დაცვის პროგრამები

3.1. საქართველოს ტერიტორიული მთლიანობისათვის მებრძოლ შშმ პირთა 18 წლამდე შვილების დახმარების ქვეპროგრამა

სამიზნე ჯგუფი:

- საქართველოს ტერიტორიული მთლიანობისათვის მებრძოლ შშმ პირთა 18 წლამდე ასაკის შვილები.

დახმარების ოდენობა:

- თითოეულ შვილზე ყოველთვიური ფინანსური დახმარება 150 ლარის ოდენობით.

ქვეპროგრამაში ჩართვის მიზნით წარმოსადგენი დოკუმენტაცია:

- ა) შესაბამისი სტატუსის დამადასტურებელი დოკუმენტი;
- ბ) ბავშვის/ბავშვების დაბადების მოწმობის ასლი/ასლები;
- გ) შესაბამისი სტატუსის მქონე მშობლის (მეურვის) პირადობის მოწმობის ასლი;
- დ) ერთ-ერთი მშობლის საბანკო ანგარიშის ნომერი.

3.2. ელექტროენერჯის გადასახადის თანადაფინანსების ქვეპროგრამა

ელექტროენერჯის გადასახადის თანადაფინანსების ქვეპროგრამის სამიზნე ჯგუფებს წარმოადგენენ:

- მკვეთრად გამოხატული შშმ პირები;
- დევნილები;
- შშ სტატუსის მქონე 18 წლამდე ასაკის ბავშვები;
- 18 წლამდე ასაკის უდემამო ბავშვების;
- მარტოხელა მშობლები და მარჩენალდაკარგული ოჯახები, ვისაც 3ყავთ 18 წლამდე ასაკის შვილები;
- საქართველოს ტერიტორიული მთლიანობისთვის მებრძოლთა მარჩენალდაკარგული ოჯახები;
- მრავალშვილიანი ოჯახები, ვისაც 3ყავთ 18 წლამდე ასაკის ოთხი და მეტი შვილი და რომელთა სარეიტინგო ქულა არ აღემატება 200 000-ს.

ქვეპროგრამის ფარგლებში, თითოეულ ოჯახზე ყოველთვიურად გაიცემა ელექტროენერჯის თანადაფინანსების თანხა 8 ლარის ოდენობით. ამასთან, სავალდებულოა, რომ დახმარების მიმღები რეგისტრირებული იყოს თელავის მუნიციპალიტეტში.

ანგარიშსწორება განხორციელდება ელექტროენერჯის მიმწოდებელი/სადისტრიბუციო კომპანიის ანგარიშზე თანხის ჩარიცხვის გზით.

ქვეპროგრამაში ჩართვის მიზნით წარსადგენი დოკუმენტაცია:

- ა) განცხადება;
- ბ) პირადობის მოწმობის ასლი;
- გ) სტატუსის დამადასტურებელი დოკუმენტი;
- დ) ელექტროენერჯის ქვითარი;
- ე) მრავალშვილიანი ოჯახების შემთხვევაში ბავშვების დაბადების მოწმობის ასლები.

3.3. გაზიფიცირების გარეშე არსებულ დასახლებებში (თეთრიწყლების ადმინისტრაციული ერთეული სრულად და სოფელი ლეჩური) მუდმივად მცხოვრები ოჯახების თხევადი აირით დახმარება

ქვეპროგრამა ითვალისწინებს გაზიფიცირების გარეშე არსებულ დასახლებებში, კერძოდ, *თეთრიწყლების ადმინისტრაციულ ერთეულში შემავალ სოფლებში (თეთრიწყლები, კობაძე, სეროდანი, პანტანი, ნადიკვარი) და სოფელ ლეჩურში მუდმივად მცხოვრები ოჯახების თხევადი აირით დახმარებას.*

დახმარება გაიცემა ყოველთვიურად ტალონების სახით. თითოეულ ოჯახს ყოველთვე გადაეცემა ტალონი, რომლის მეშვეობით მიმწოდებელი კომპანიისგან ერთჯერადად მიიღებს

თხევად აირს 15 ლიტრის ოდენობით. ტალონების გადაცემას მიღება-ჩაბარების აქტის საფუძველზე უზრუნველყოფენ მერის წარმომადგენლები შესაბამის ადმინისტრაციულ ერთეულებში.

ქვეპროგრამით სარგებლობისათვის წარმოსადგენი დოკუმენტაცია:

- ა) განცხადება ქვეპროგრამაში ჩართვის თაობაზე;
- ბ) პირადობის მოწმობის ასლი;
- გ) მერის წარმომადგენლის მიერ გაცემული ცნობა საცხოვრებელი ადგილის შესახებ.

3.4. ზამთრის სეზონზე ოჯახების სათბობით უზრუნველსაყოფად დაფინანსება

ზამთრის სეზონზე სათბობით უზრუნველსაყოფად, სოციალურად დაუცველი ოჯახების მონაცემთა ერთიან ბაზაში *თელავის მუნიციპალიტეტის ტერიტორიაზე რეგისტრირებული ოჯახების, რომელთა სარეიტინგო ქულა არ აღემატება 100 000-ს, დაფინანსება მოხდება ყოველი წლის აგვისტოს თვიდან დეკემბრის თვის ჩათვლით, თითოეულ ოჯახზე 100 ლარის ოდენობით.*

თანხა ჩაირიცხება დახმარების მიმღების საბანკო ანგარიშის ნომერზე. დაფინანსება მოხდება წლის განმავლობაში ერთჯერადად.

ქვეპროგრამით სარგებლობისათვის წარმოსადგენი დოკუმენტაცია:

- ა) განცხადება;
- ბ) პირადობის მოწმობის ასლი;
- გ) ამონაწერი სოციალური მომსახურების სააგენტოდან სარეიტინგო ქულის შესახებ;
- დ) საბანკო ანგარიშის ნომერი.

3.5. სარიტუალო მომსახურების დაფინანსება

მეორე მსოფლიო ომის მონაწილე, საქართველოს ტერიტორიული მთლიანობისათვის (აფხაზეთისამაჩაბლო) მებრძოლ, ვეტერანთა და დევნილ მიცვალებულთა სარიტუალო მომსახურების დაფინანსების მიზნით, ყოველი გარდაცვლილის ოჯახზე გაიცეს ფინანსური დახმარება 250 ლარის ოდენობით, ხოლო უპატრონო მიცვალებულთა სარიტუალო მომსახურების დაფინანსების მიზნით, გაიცეს ფინანსური დახმარება 500 ლარის ოდენობით.

ვეტერანის ან დევნილის გარდაცვალების შემთხვევაში დაფინანსების მისაღებად წარსადგენი დოკუმენტაცია:

- ა) ოჯახის წევრის განცხადება;
- ბ) განმცხადებლის პირადობის მოწმობის ასლი;
- გ) საბანკო ანგარიშის ნომერი;
- დ) გარდაცვალების მოწმობა;
- ე) სტატუსის დამადასტურებელი დოკუმენტი;

ვ) დოკუმენტი, რომლითაც დადასტურდება განმცხადებლისა და გარდაცვლილის ნათესაური კავშირი.

უპატრონო მიცვალებულის შემთხვევაში დაფინანსების მისაღებად წარსადგენი დოკუმენტაცია:

- ა) განცხადება;
- ბ) განმცხადებლის პირადობის მოწმობის ასლი;
- გ) მერის წარმომადგენლის მიერ გაცემული დასკვნა, რომ გარდაცვლილი ნამდვილად უპატრონოა;
- დ) განმცხადებლის საბანკო ანგარიშის ნომერი;
- ე) გარდაცვალების მოწმობა;
- ვ) უპატრონო მიცვალებულის შემთხვევაში განცხადების წარდგენის უფლებამოსილება გააჩნია შესაბამის ადმინისტრაციულ ერთეულში მერის წარმომადგენელს, გარდაცვლილის ფაქტობრივი საცხოვრებელი ადგილის მიხედვით.

3.6. სადღესასწაულო დღეებთან დაკავშირებული დახმარების ღონისძიებები

საერო, რელიგიურ და სხვა სახის დღესასწაულებზე, ქვეპროგრამის ფარგლებში გათვალისწინებულია სასაჩუქრე ამანათების ან/და ფულადი თანხების გაცემა, ასევე სხვადასხვა ღონისძიებების მოწყობა შემდეგი სამიზნე ჯგუფებისათვის:

- მრავალშვილიანი ოჯახები, სადაც 18 წლამდე ოთხი და მეტი ბავშვია და რომელთა სარეიტინგო ქულა არ აღემატება 200 000-ს;
- უდედმამო ბავშვები;
- 100 წელს გადაცილებული მოხუცები; მკვეთრად გამოხატული შეზღუდული შესაძლებლობის მქონე პირები;
- შშ სტატუსის მქონე ბავშვები;
- ომის მონაწილეები;
- ტერიტორიული მთლიანობისათვის ბრძოლაში დაღუპულთა 18 წლამდე ასაკის შვილები;
- 1989 წლის 9 აპრილს საქართველოს დამოუკიდებლობის მოთხოვნით გამართული მშვიდობიანი აქციის შედეგად დაზარალებულთა და დაღუპულთა ოჯახები;
- იძულებით გადაადგილებული პირები;
- სოციალურად დაუცველი ოჯახები; მარტოხელა მშობლები, ვისაც 3ყავთ 18 წლამდე ასაკის შვილები;
- მარჩენალდაკარგული ოჯახები, ვისაც 3ყავთ 18 წლამდე ასაკის შვილები;
- ახალშობილთა ოჯახები.

გასაწევი დახმარების ფარგლები:

- ა) პირველადი მოხმარების საკვები პროდუქტების ღირებულება თითოეულ ბენეფიციარზე განისაზღვრება 20-დან 50 ლარის ფარგლებში;
- ბ) ფულადი საჩუქრის ოდენობა თითოეულ ბენეფიციარზე განისაზღვრება 100-დან 1000 ლარის ფარგლებში;

გ) სასაჩუქრე ამანათის ღირებულება თითოეულ ბენეფიციარზე განისაზღვრება 10-დან 1000 ლარის ფარგლებში.

ქვეპროგრამით სარგებლობისათვის ბენეფიციარმა უნდა წარმოადგინოს შესაბამისი კატეგორიის დამადასტურებელი დოკუმენტი, ხოლო ფულადი დახმარების გაცემის შემთხვევაში ასევე საბანკო ანგარიშის ნომერი.

4. დემოგრაფიული პროგრამები

4.1. ახალშობილ ბავშვთა ოჯახების ერთჯერადი დახმარება

სოციალურად დაუცველი ოჯახების მონაცემთა ერთიან ბაზაში თელავის მუნიციპალიტეტის ტერიტორიაზე რიცხულ ახალშობილ ბავშვთა ოჯახებზე ფინანსური დახმარება გაიცეს წლის განმავლობაში ერთჯერადად, ბავშვის დაბადებიდან 6 თვის ვადაში, შემდეგი სახით:

ყოველ სოციალურად დაუცველ ოჯახზე, რომლის სარეიტინგო ქულა არ აღემატება 100 000-ს, გაიცემ ფინანსური დახმარება შემდეგი ოდენობით:

- ✓ პირველ ახალშობილზე 400 ლარის ოდენობით,
- ✓ მეორე ახალშობილზე – 500 ლარის ოდენობით,
- ✓ ორი ტყუპის დაბადების შემთხვევაში – 800 ლარის ოდენობით,
- ✓ სამი ტყუპის დაბადების შემთხვევაში – 1200 ლარის ოდენობით;

ქვეპროგრამით სარგებლობისათვის საჭიროა:

- ა) ერთ-ერთი მშობლის განცხადება;
- ბ) ბავშვის/ბავშვების დაბადების მოწმობის ასლი/ასლები; ბ.გ) მარტოხელა მშობლის შემთხვევაში, სტატუსის დამადასტურებელი დოკუმენტი;
- დ) ამონაწერი სოციალური მომსახურების სააგენტოდან სარეიტინგო ქულის შესახებ (აუცილებელია, რომ წარმოდგენილ ამონაწერში ფიქსირდებოდეს ბავშვების მონაცემები);
- ე) ერთ-ერთი მშობლის საბანკო ანგარიშის ნომერი.

4.2. მრავალშვილიანი ოჯახების დახმარება

სამიზნე ჯგუფია:

- მრავალშვილიანი ოჯახები, რომლებიც რეგისტრირებულნი არიან და ფაქტობრივად ცხოვრობენ თელავის მუნიციპალიტეტის ტერიტორიაზე ან სოციალურად დაუცველი ოჯახების მონაცემთა ერთიან ბაზაში ირიცხებიან თელავის მუნიციპალიტეტის ტერიტორიაზე, სადაც 18 წლამდე 4 და მეტი ბავშვია.

დახმარების ოდენობა:

- თითოეულ ბავშვზე ყოველთვიურად გაიცემა ფინანსური დახმარება 30 ლარის ოდენობით.

ქვეპროგრამაში ჩართვის მიზნით წარსადგენი დოკუმენტაცია:

- ა) ერთ-ერთი მშობლის განცხადება; ა.ბ) მშობლების პირადობის მოწმობის ასლები;
- გ) ბავშვების დაბადების მოწმობის ასლები;
- დ) შესაბამის ადმინისტრაციულ ერთეულში მერის წარმომადგენლის ცნობა საცხოვრებელი ადგილის შესახებ;
- ე) ერთ-ერთი მშობლის საბანკო ანგარიშის ნომერი.

4.3. 0-1 წლამდე ასაკის ბავშვთა ხელოვნური კვების პროდუქტებით დაფინანსება

ქვეპროგრამა ითვალისწინებს სოციალურად დაუცველი ოჯახების მონაცემთა ერთიან ბაზაში რეგისტრირებული ოჯახების დაფინანსებას 0-1 წლამდე ასაკის ბავშვების ხელოვნური კვების პროდუქტებით უზრუნველსაყოფად.


ქვეპროგრამით სარგებლობა შეუძლიათ ოჯახებს, რომელთა ფაქტობრივი საცხოვრებელი ადგილია თელავის მუნიციპალიტეტი და მათი მოქმედი სარეიტინგო ქულა არ აღემატება 65 000-ს. ქვეპროგრამაში ვერ ჩაერთვებიან ოჯახები, რომლებიც უკვე სარგებლობენ სოციალური მომსახურების სააგენტოს მიერ ბავშვთა ხელოვნური კვების პროდუქტებით უზრუნველყოფის პროგრამის ფარგლებში გაცემული კვების ვაუჩერით. ქვეპროგრამის ხანგრძლივობა შეადგენს 2 (ორი) თვეს, რომლის ფარგლებშიც თითოეულ ბავშვზე გაიცემა ყოველთვიური დაფინანსება 150 ლარის ოდენობით.

ქვეპროგრამით სარგებლობის მიზნით განმცხადებლის მიერ წარსადგენი დოკუმენტაცია:


- ა) სოციალური მომსახურების სააგენტოს სოციალური მუშაკის მიერ შევსებული მომართვის ფორმა;
- ბ) ამონაწერი სოციალური მომსახურების სააგენტოდან სარეიტინგო ქულის შესახებ;
- გ) განმცხადებლის (ერთ-ერთი მშობლის) პირადობის მოწმობის ასლი;
- დ) ბავშვის დაბადების მოწმობის ასლი;
- ე) ფორმა NIV-100/ა, სადაც აღნიშნული უნდა იყოს, რომ ბავშვს ესაჭიროება ხელოვნური კვება;
- ვ) მომსახურების მიმწოდებლის მიერ გაცემული შესაბამისი დოკუმენტაცია (ხარჯთაღრიცხვა).

5. თელავის მუნიციპალიტეტის მერიის საკონტაქტო ინფორმაცია

მუნიციპალურ პროგრამებსა და მათში მონაწილეობის შესაძლებლობებზე დეტალური ინფორმაციის მისაღებად მიმართეთ თელავის მუნიციპალიტეტის ჯანმრთელობისა და სოციალურ საკითხთა სამსახურს:

 მისამართი: საქართველო. 2200. თელავი. ერეკლე II გამზ. #16

@ ელ. ფოსტა: tamar.zazanashvili@telavi.gov.ge

 ტელეფონი: 595 919 350

მერიის ცხელი ხაზი : 0350 27 36 50

ვებ-გვერდი: www.telavi.gov.ge